



大唐六典

7保4  
9079  
20



折 7 係 4  
3.042  
20

大樽六興大府寺表紙二十

御座

大樽六興大府寺表紙二十  
御座  
大樽六興大府寺表紙二十  
御座

大樽六興大府寺表紙二十

御座

御座

御座



大唐六典太府寺卷第二十

御撰國大人

集賢院學士兵部尚書兼中書令修國史

上柱國開國公臣李林甫等奉 敕注上

太府寺十八人

卿一人正人 九人 正人 九人

少卿二人

丞四人

主簿二人

錄事二人

府二十五人

旧唐志作十五人

史五十人

計史四人

亭長七人

掌固七人

大兩京諸市署

平準署

令各一人

丞二人

錄事一人

府三人

史七人

典事二人

旧唐志作三人

掌固一人

令一人 一作二

丞四人

録事一人

府六人

史十三人

監事六人 旧唐志作二人

典事二人

價人十人

掌固二人 旧唐志作十人

左藏署 四人

令三人 旧唐志作十人

丞五人

府九人

史十八人

監事八人 旧唐志作九人

典事十二人 旧唐志作一人

掌固八人

右藏署

令二人

丞三人

府五人

史十三人

旧唐志作十人

監事四人

典事七人

景掌固十人置於非故置於

常平署以秦穀子不不置其守其

官令一人之吏

丞二人受

府四人受

史八人受

大司監事五人於三品

典事五人於

掌固六人

太府寺卿一人從三品

周禮天官有太府下大夫上士下士掌九貢九賦九功之式本經式當作貳以受其貨賄之入頒其貨于受藏之府頒其賄于受用之府凡官府都鄙之吏及執事者受財用焉則今太府之任也秦漢已下不置其官其職并於司農少府梁天監七年始置太府府下脫卿班第十

三掌金帛府帑統右隋志右上有左字藏令上庫丞

太市隋志市作倉南市北市令關津亦皆屬焉陳

曰之品第三後魏太和中始改少府為太府

卿品第三北齊因之後周有太府中大夫又

有計部中大夫隋太府寺卿一人正三品上

上當統左藏左內右內隋志右內之內當削三尚方

司染右藏隋志藏下有黃藏二字掌冶甄官等署各置

令丞至煬帝分太府寺置少府監管三尚方

及司染掌冶等署而太府寺管左右藏及兩  
 市平準等署為大業四年降為從三品皇朝  
 曰之至龍朔二年改為外府正卿咸亨元年  
 復故光宅元年改為司府寺神龍初復舊  
 少卿二人從四品上

後魏孝文帝改少府為太府置少卿一人第  
 四品上北齊曰之隋煬帝加至二人降為從  
 四品皇朝減一人貞觀中復置二人龍朔咸

亨光宅神龍並隨寺改復

太府卿之職掌邦國財貨之政令

太平御覽引  
六典作賦貨

事總京都四市平準左右藏常平八署之官屬  
 舉其綱目修其職務少卿為之貳以二法平物  
 一曰度量

度謂分寸尺丈量謂合升斗斛

二曰權衡

權重也衡平也



金銀之屬謂之寶錢帛之屬謂之貨絹曰匹布  
 曰端綿曰屯絲曰絢麻曰綬金銀曰鋌錢曰貫  
 凡四方之貢賦百官之俸秩謹其出納而為之  
 節制焉

諸州庸調及折租等物應送京者並貯左藏  
 其雜送物並貯右藏庸調初至京日錄狀奏  
 聞每旬一奏納數

凡絹布出有方土類有精粗絹分為八等布合

為九等所以遷有無和利用也

宋毫之絹復州之紵宣潤沔之火麻黃州之  
 贄並第一等鄭汴曹懷之絹常州之紵舒蘄  
 黃嶽荆之火麻廬和晉泗之贄並第二等滑  
 衛陳魏相冀德海泗漢漢當作濮徐兗貝博之絹  
 楊湖沔之紵徐楚廬壽之火麻絳楚滁之贄  
 並第三等滄瀛齊許豫仙棣鄆深莫洛邢恒  
 定趙之絹蘓越杭蘄廬之紵澧朗潭之火麻

澤潞沁之賞並第四等潁淄青沂密壽幽易  
 申光安唐隨黃之絹衢饒洪婺之紵京兆太  
 原汾之賞並第五等益彭蜀梓漢劍遂簡綿  
 襄褒鄧之絹郢江之紵褒洋同岐之賞並第  
 六等資眉邛雅嘉陵闕闕唐志闕普壁集龍  
 果洋渠之絹台括撫睦歙虔吉温之紵唐慈  
 坊寧之賞並第七等通巴蓬金均開合興利  
 泉建閩之絹泉建閩表表唐志表之紵登萊

鄧之賞並第八等金均合之賞並第九等  
 凡供祀昊天上帝幣以蒼配帝亦如之皇地祇  
 幣以黃配帝亦如之祀大明幣以青夜明幣以  
 白神州幣以黃太社太稷之幣皆以玄后稷亦  
 如之先農幣以青先蠶幣以玄蜡祭神農幣以  
 赤伊祁氏幣以玄祀五方帝五帝五官內官中  
 官外官五星二十八宿及衆星嶽鎮海瀆山林  
 川澤丘陵墳衍等之幣皆以其方色祈告宗廟

之幣及孔宣父齊太公皆以白凡幣皆長一丈

八尺

丞四人從六品下下當作上

梁選部部當作簿太府丞一人品從第七陳曰之

按隋志梁太府丞第八品後魏亦一人品第七下後

周太府上士一人亦丞之任也隋太府丞六

人正七品下大業三年隋志作五年增為從五品

皇朝置四人從六品上垂拱中省一人開元

又加焉又加焉

主簿二人從七品上丞梁中同梁曰

梁置太府主簿一人七班之中為第三陳曰

之後魏主簿一人隋四人從七品皇朝置三

人至太極中省一人太府寺管木契七十隻

十隻與左藏東庫合十隻與左藏西庫合十

隻與右藏內庫合十隻與右藏外庫合又十

隻與東都左藏庫合十隻與東都右藏庫合

各九雄一雌九雄太府主簿掌一雌庫官掌  
又五隻與左藏朝堂庫合五隻與東都左藏  
朝堂庫合各四雄一雌其契以次行用  
錄事二人從九品上

丞掌判寺事凡左右藏庫帳禁人之有見者若  
請受輸納人名物數皆著於簿書每月以大摹  
印紙四張為之簿而丞衆官同署月終留一本  
於署每季錄奏兼申所司凡元正冬至所貢方

物應陳於殿庭者受而進之凡會賜及別敕錫  
賚六品已下即於朝堂給之

主簿掌印省署抄目勾檢稽失凡置木契九十  
五隻二十五隻與少府將作苑總監合七十隻  
與庫官合十五隻刻少府監字十四隻雄付少  
府監五隻刻將作監字四隻雄付將作監五隻  
刻苑總監字四隻雄付苑總監皆應索物雌留  
太府寺凡官私斗秤關當填以尺每年八月詣

寺校印署無或差繆然後聽用之

禮記月令云仲春仲秋日夜分則令度量平  
權衡正鈞石角斗甬

錄事掌受事發辰

兩京諸市署各令一人從六品上

昔神農祝融氏始作市易曰日中為市致天  
下之民聚天下之貨交易而退各得其所蓋  
取諸噬嗑石氏星經天市垣二十二星周禮

地官有司市下大夫上士中士下士其屬有  
質人鄠人胥師賈師司暴司稽肆長蓋諸市  
官也漢改秦內史為京兆尹其屬官有長安  
市長丞後漢河南尹屬官有雒陽市長丞魏  
晉曰之東晉隸丹陽尹宋齊因之梁始隸太  
府梁選部部當太市令屬四品市職之任不  
容過卑天監三年革其選陳曰之後魏京邑  
市令從五品中北齊司州牧領東西市署令

丞後周司市下大夫一人隋司農寺統京市  
令丞煬帝三年改京市隸太府寺京師東市  
曰都會西市曰利人東都東市曰豐都南市  
曰大同北市曰通遠皇朝曰之京置東西南  
三市按東都西則西則之間隨隨當作隋南  
脫市字市也南市則隨東市也都南市舊兩坊之地  
武德中減為坊半焉垂拱中省京南市開元  
十年又省都西市

丞各二人正八品上

後漢雒陽市丞一人三

三 批後漢志

百石魏晉

宋齊因之梁有太南北三市丞位在七班之

下陳因之後魏闕文北齊有東西市丞後周

有小司市上士下士一人隋有京市丞皇朝

曰之

京都諸市令掌百族交易之事丞為之貳凡建  
標立候陳肆辨物

按周礼肆長各掌其肆之政令陳其貨賄名相近者相遠也實相近者相迩也而平正之以二物平市

謂秤以格斗以概

以三賈均市

太平御覽引六典均市作均平事三字

精為上賈次為中賈麗為下賈

凡與官交易及懸平賈物並用中賈其造弓矢長刀官為五樣仍題工人姓名然後聽鬻之諸

器物亦如之以偽濫之物交易者沒官短狹不中量者還主

周礼司市偽飾之禁在人者十有二在商者十有二在賈者十有二在工者十有二王制亦云用器兵車不中度布帛精廉不中數幅廣狹不中量姦色乱正色五谷不時果實未熟木不中伐禽獸魚鱉不中殺皆不鬻於市凡賣買奴婢牛馬用本司本部公驗以立券凡

賣買不和而權批唐志權當固作權注同

權謂專畧其利固謂鄣固其市

及更出開閉共限一價

謂賣物以賤為貴買物以貴為賤

若參市而規自入者並禁之

謂在傍高下其價以相惑亂也

凡市以日午擊鼓三百聲而衆以會日入前七

刻擊鈺三百聲而衆以散

周禮大市日昃而市百族為主朝市朝時而

市商賈為主夕市夕時而市販婦販夫為主

丞兼掌監印句稽

錄事掌受事發辰

平準署令二人從七品下

周禮有貨貨當人中士下士主平定物價也

漢大司農屬官有平準令丞韋昭辨釋名云

平準主平物價使相依準史記云棗弘羊領



大農令史記無以諸官各自市相事據史記及漢志

事當以故物多以故三字騰躍乃請置大農

部丞數十人分部主郡國置平準於京師受

天下委輸盡籠天下之貨物貴則賣之賤則

買之如此則富商賈賈當削大賈無所牟大利

矣所以置平準焉故趙廣漢廉潔下士州舉

茂才為平準令後漢大司農屬官有平準令

丞各一人令六百石丞三百石掌知物價及

主練染作采色至和帝改平準為中準以官

者為令丞列于內署自是諸署令悉用官人

魏氏闕文晉少府屬官有平準令丞宋順帝

諱準改曰染署齊太府樞南齊志當作少府有平準令

丞梁陳有平水令丞後魏闕文北齊司農寺

統平準令丞後周有平準中士下士隋司農

屬官有平準署令丞煬帝三年改平準署隸

太府寺皇朝曰之

丞四人從八品下

監事六人從九品下

平準令掌供官市易之事丞為之貳凡百司不

在用

曰唐志在作任

之物則以時出貨其沒官物者亦

如之

左藏署令三人從七品下

周礼有外府中士主泉藏之在外者掌邦布

之出入以供百物而待邦用也又有職幣上

士中士主貨幣之入也並令

令當作今

左藏之職

也至秦漢則分在司農少府後漢少府屬官

有中藏府令丞各一人掌中藏幣帛金銀貨

物魏氏曰之晉少府屬官有左右藏令東晉

御史九人各掌一曹有庫曹御史後復分庫

曹置外左庫內左庫宋文帝省外左庫而內

左庫直云左庫武帝

武上脫孝字

復置前廢帝又

省齊陳梁

當作梁陳

有右藏庫無左藏後魏闕文

北齊太府寺統左右藏令丞後周有外府上士中士二人掌絹帛絲麻錢物皮角筋骨之藏隋有左藏署令丞皇朝曰之左藏有東庫西庫朝堂庫又有東都庫東都朝堂庫各掌木雌契一與太府主簿合之

丞五人從八品下

隋有四人皇朝加一人

監事八人從九品下

左藏令掌邦國庫藏之事丞為之貳凡天下賦調先於輸場簡其合尺度斤兩者卿及御史監閱然後納于庫藏皆題以州縣年月所以別庶良辨新舊也凡出給先勘木契然後錄其名數及請人姓名署印送監門乃聽出若外給者以墨印印之

凡官物應入私已出庫而未給付若私物當供官之物或雖不供官而皆掌在其官並同

官物之例也

凡藏院之內禁人然火及無故而入者院內常

四面舊唐志作及無故入持仗為之防守夜則

擊柝分更以巡警焉

右藏署令二人正六品上舊唐志六作八

周礼有內府中士主良貨賄藏在內也又有

藏藏當內上士中士主泉貨所入並今右藏

之職至秦漢已來則分在司農少府其職掌

廢置並與左藏同隋太府寺統右藏令丞各

三人三恐當作二皇朝因之右藏有內庫外庫東

都庫各木雌契一隻與太府寺主簿合之

丞三人正九品上

隋有二人皇朝置三人

監事四人從九品下

右藏署令掌邦國寶貨之事丞為之貳

雜物州土安西于闐之玉饒道宣永安南邕

等州之銀楊廣等州之蘓木象牙永州之零陵香廣府之沉香霍香薰陸鷄舌等香京兆之艾納香紫草宣簡潤彬彬當作郴鄂衡等州之空青石碌辰溪州之硃砂相州之白粉岩州之雌雄黃絳易等州之墨金州之梔子黃礬西州之高昌礬石益府之大小黃白麻紙弓弩弦麻杭婺衢越等州之上細黃白狀紙均州之大模紙宣衢等州之案紙次紙蒲州之

百日油細薄白紙河南府許衛懷汝澤潞等州之兔皮鄜寧同華虢晉蒲絳汾等州之狸皮越州之竹管涇寧邠龍蓬等州之蠟蒲絳鄭貝等州之氈河南府同鄧許等州之膠蒲同虢等州之席涇丹鄜坊等州之麻京兆岐華等州之木燭凡四方所獻金玉珠貝玩好之物皆藏之出納禁令如左藏之職御覽太平

四以下二十五字引六典為本文當連書于之貳下

常平署令一人從七品下

漢書食貨志管仲相桓公通輕重之權曰歲有凶穰故谷有貴賤令有緩急故物有輕重人君不理則畜賈遊於市乘人之不給百倍其本矣故萬乘之國必有萬金之價擬漢志價當作同賈下千乘之國必有千金之價者利有所并也計本量委則足矣然人有飢餓者谷有所藏也人有餘則輕之故人君歛之以輕人不

足則重之故人君散之以重凡輕重歛散漢志

散下有以時即漢志即準平李悝曰糴甚貴

傷民甚賤傷農民傷則離散農傷則國貧故

甚貴漢志貴下有與字甚賤其傷一也是故善平糴

者必也謹觀歲有上中下熟故大熟則上糴

三而舍一中熟則糴二下熟則糴一小飢則

發小熟之所歛中飢則發中熟之所歛大飢

則發大熟之所歛而糴之故雖遇飢饉水旱

糶不貴而人不散孟子曰狗彘食人食而不  
知檢塗有餓莩而不知發蓋並常平之義漢  
宣帝即位歲數豐穰谷至石五錢農人少利  
大司農中丞耿壽昌遂曰批漢志曰當作白令邊郡  
皆築倉以谷賤時增其價而糶谷貴時減其  
價以糶名常平倉人便之後漢明帝永平五  
年歲比登稔作常滿倉立粟市於城東粟斛  
直錢三十晉武帝泰始四年乃立常平倉豐

則糶儉則糶以利百姓東晉宋齊無聞梁有  
常平倉而不糶通典糶上有糶字陳亦如之後魏太  
和十二年有司上言請京都度支歲用之餘  
各各當立官司年豐糶貯於倉時儉加私之二  
後魏志糶之於人北齊諸州郡皆別置富人  
倉初立之日準所領中下之隋志無戶口數  
得支一年糧遂批隋志遂次隋志無當州谷  
價錢錢當時斟量割當年義租克入谷貴下

大唐六典 卷之二十一  
價糶之賤則還用所糶物依時價糶貯隋開  
皇三年於河西勒百姓立堡營田積谷京師  
置常平監又以倉庫尚虛衛州置黎陽倉洛  
州置河陽倉陝州置常平倉華州置廣通倉  
轉相委輸漕關東之粟以給京師又募人能  
於洛陽運米四十石經砥柱達于常平倉者  
免其征戍以此通轉運亦非糶糶皇朝垂拱  
初兩京置常平署天下諸州

諸州旧唐志作州府亦置

之

丞二人從八品下

監事五人從九品下

常平令掌平糶倉儲之事丞為之貳凡歲豐穰  
穀賤人有餘則糶之歲饑饉穀貴人不足則糶  
之與正義倉帳具其本利同申凡出納禁令如  
左藏之職焉



大唐六典太府寺卷第二十一

太府寺掌三庫之政凡三庫者一曰左藏二曰右藏三曰尚書  
凡三庫者一曰左藏二曰右藏三曰尚書  
凡三庫者一曰左藏二曰右藏三曰尚書  
凡三庫者一曰左藏二曰右藏三曰尚書

補考

後魏太和中中當作末○有右藏庫無左藏隋志通典無庫  
字

蘇美 大味中 中 末 ○ 有古蘇美 海 五 處 計 數 五



